

四部叢刊

亞洲文苑二

193

四部叢刊初編集部

盤洲文集

二

卷三十七至卷八十 附錄一卷
拾遺一卷 附札記一卷

據商務印書館一九二六年版重印

四部叢刊初編（一九二一—一九三）

盤洲文集（二冊） 宋洪適撰

上海書店印行

上海福州路四二四號

上海影印廠印刷

1989年3月

盤洲文集卷第三十七

謝賜御製損齋記表

謝賜御製損齋記表

謝賜御製損齋記表

謝賜御製損齋記表

謝賜御製損齋記表

謝賜御製損齋記表

淵衷好易玩山澤之立辭養藻名齋揭日星而垂象
迺刊琬琰溥及簪紳巨謝竊以六位成書有數家之
口授四方觀化必當宁之躬行與其考梁丘朱鹿之
異同何以益黃帝堯舜之平治仰九五聖神之學秉
三萬訓故之言恭惟

皇帝陛下道續緝熙理潛易簡據狼弧蹈參伐而神
武不殺郤處妃屏玉女而清靜無爲鉤探義之室後

目蕩心之欲品評唐漢監持盈守位之非爰標榜於
宸居獨踐修於損德翠不裂而璫不族盡華紛華墨
之妙而筆之精它無嗜好著寶奎而襲六合太極之
函三風動邇遐日趨御名朴巨恭銘座右已閱校官今
祿利而學者不明共慚童習自奉養之君子有節上
法聖謨

知徽州謝到任表

叨拜言綸復分符竹繇小壘而外輔郡去遐邊而接
故鄉責重弗勝恩隆難述中謝伏念臣弱材無似末
技易窮頃獲戾於權巨即問耕於田父起廢忽臨於

一障備貢甫歷於三時體鴻鴈勞來之章竭駑駘鞭策之力政無善狀偶見取於疲民辭至外臺遂共騰於需牘豈期茂渥有此超除尺五去天望觚稜而甚近夫三爲屋指井邑以相隣惟富州擇吏之不輕恐譴域詣曹之莫免茲蓋伏遇

皇帝陛下德游和氣澤播黎苗方循名責實之朝寸長必錄故宣化承流之選詳試所行欲察字耻不嫌易地臣敢不究心簿領率俗農桑對以春秋願奉典城之計著于甲令益圖報國之忠

謝赦表

凝旒行孝方視絮於慈闈貫索韜光遂解除於密網
恩波匝宇罪黨虛囹

中謝

恭惟

皇帝陛下德過舜文行高曾閔自遠迎於駟駕常款
戲於斑衣問安否之何如偶愆調護禱神祇于上下
必底康寧亟圖勿藥之功復需蓼蕭之澤仁心宥過
和氣致祥臣連玷左符並逢曠典二筭之復八十已
敷惠於遐萌五刑之屬三千今滌瑕於茲土願哀告
語永介壽祺

大行皇太后上僊慰表

釁生慈壺痛貫宸衷奉諱之初提封同戚

中慰

伏以

大行皇太后生全五福德洽六宮三母翼周播徽音
而並駕一成祀夏誕聖質以中興方期壽祉之增忽
愴僊遊之隔恭惟

皇帝陛下得虞舜事親之道極文王問疾之憂念駟
馭之艱難養加於孝逢棘風之變故情過乎哀願寬
罔極之悲式體系隆之重巨限以官守不獲奔赴闕
庭臣無任

顯仁皇太后祔廟慰表

栢城襄事隔慈景於東朝繫主寧神講嚴禋於清廟
凡居覆載靡不悲懷中慰恭惟

皇帝陛下養奪母儀情深孺慕五表而臨素幄罔極
哀矜九虞之奉真游弗絕吉服逮茲登配益感劬勞
願抑凱風寒泉之思以慰普天率土之望臣限以職
守在遠不獲奔詣闕庭

謝賜紹興三十年曆日表

叙書則斷堯典虔授民時言天者以夏正茂明歷法
妙於推筭欽若統元

中謝恭惟

皇帝陛下受籍求端握符行健在璿璣以齊七政徇
木鐸以戒百官大史司日月之行不差宿離鴻範著
天人之應時若燠寒臣敢不仰體深仁恪思共理教

下民之農事復當火紀之朝老要說於術家有慶金
穰之歲

賀立皇子建王表

選建宗英行真王之故事牧寧邦本繫率土之群心
凡屬照臨舉同呼舞

中賀恭惟

皇帝陛下系隆漢統彊固周宗陳王業之艱難永懷
藝祖辨廟桃之昭穆不私太支蚤求繩武之賢久茂
積身之德若古有訓惟斷乃成一索得男名協游雷
之象衆星共北光騰左轄之躔復塞嫌萌益高聖慮
臣猥臨近郡獲拜細書歌螽羽之詩慕華封之善頌

作燕謀之祝慚枚叟之逸才

謝賜御書手詔表

方底再封制官刑而出綽周行九命誦睿藻以書紳
具瞻雲漢之光交積淵冰之懼臣中謝伏以三風之
戒徇貨若稽湯右之謨八瀆之糾治邦詳著周人之
典蓋驕驚不通古今則安能應變期會不報簿書則
何以責成或舒緩以養名或拱默而尸祿迺居官無
黔突之計故載路有伐檀之譏皆軫慮於冕旒遂成
章於筆墨流傳所屆廢格有誅恭惟

皇帝陛下弊革賄六務先政核六事謝苞苴之責百

篇等訓誥之文罷蠲淮之魚德高禹貢去稗田之膳
指合周詩風移當自於身脩奎采復盼於心畫臣久
違朝籍猥守王畿絕密嶺而斷楓香願攀任昉問馬
曹而招竹隱敢效微之

謝賜紹興三十一年曆日表

璿璣齊以七政鳳曆奏篇攝提正于孟陬龍躔更始
同文所暨承式惟虔

中謝恭惟

皇帝陛下道妙範圍仁周動植疇人雜俟最密清臺
之書正月始和若觀象魏之灋紀中興而有求極廣
覆以相傳臣職忝承流榮霑賜札永惟五紀欲歛福

於編氓必使三時無輟耕之游食

提舉浙西常平謝到任表

支郡理人已殿道州之考外臺置使驟膺司部之除
入境玄初逾涯是懼中謝伏念巨品卑馬走用歎難
尸存分符竹之榮蔑著消塵之效在外十九年矣清
班已蒞於脩門取禾三百廛兮厚祿敢期於近甸忽
叨出綽遂使登車有萬鍾之藏久見欺於鼠雀開一
廬以賣方并按於狐狸正積弊之剷除豈弱材之堪
任茲蓋

皇帝陛下更張治具曲播人材朝令夕行智兼收於

群策叔出季處恩不替於一門乃若皇華付之驚品
臣敢不馳驅郡國宣布詔條發粟以振貧民何須矯
制乘傳而張空簿孰敢效尤

代朱丞相第三辭免表

秉鈞虛受深懷覆餗之憂批詔游盼尚闕循墻之請
輒控冉三之瀆庶幾萬一之從

中謝

伏念臣識不炤

焉省躬惕若方大明更化已臻琴瑟之調而中昃傳
餐頗軫甲兵之問若時枚卜衆所具瞻豈容測海之
蠡可備濟川之楫月三日而成魄詎合辭盈階六符

以觀天理難代匱伏望

皇帝陛下俯垂公聽亟降可音不嫌渙命之還俾追
師言之謂姚崇成天下之務別選能賢汲黯寢淮南
之謀必期益國

江東常平謝到任表

影湘部之纓勵能信宿乘楚人之傳復冒殊恩甫入
疆封未知職守

中謝

伏念臣蚤緣薄伎嘗綴清流逢

凶德之擅朝踵親闈而去國歲一章之在外瀕死而
生車兩轡而居前眎今非昔忽出綸於中禁得攬轡
於內畿革辜權之姦詎能興利理牢盆之筴方欲求

端偶同產之典城致孤根之易地四牡勞來於周道
既榮文石之登六鷁退飛於宋都誰謂觚稜之遠迹
未陳於棠舍官復在於桑疇雖過家諧上冢之私豈
奉詔有察州之效所憂短力必抵大何此蓋

皇帝陛下責實人群留神國用棟梁枅拱隨小大而
度材金穀米鹽均迹遐而置使有如臣者亦在遣中
臣敢不靡鹽夙霄徧行郡邑問幾何於庾氏仰副王
音通什一於商人少裨金府

欽宗皇帝外遐慰表

萬里蒙塵咸俟翠華之返一朝厭代已成碧落之遊

音諱遠來哀摧罔極沖慰恭以

大行孝慈淵聖皇帝堯仁舜孝禹儉湯寬位登九五
之尊時逢百六之會重姜里之易久矣明夷迷襄野
之途期於傾否遂傳脫徒永斷回鑾恭惟

皇帝陛下仰紹君臨內懷友愛陟彼岡而瞻望恨萑
終天抱其弓以烏號痛涖叩地願講反兵之報少寬
當宁之悲臣恨以官守不獲奔走闕庭

賀明堂禮成表

布政頒時禁梓謨於汶上稽經誨律絕祀典於宮中
豐澤旣行縣區同慶中賀恭惟